



NOGOMETNI/FUDBALSKI SAVEZ BOSNE I HERCEGOVINE
НОГОМЕТНИ/ФУДБАЛСКИ САВЕЗ БОСНЕ И ХЕРЦЕГОВИНЕ
BOSNIA AND HERZEGOVINA FOOTBALL FEDERATION

Ferhadija 30, 71000 Sarajevo
Bosna i Hercegovina
Telefon: +387 33 276 676
Fax: +387 33 444 332
www.nfsbih.ba



Na osnovu Člana 10. stava b) Pravilnika Centra za edukaciju trenera NS/FS BiH, kao i na osnovu inicijative UEFA-e da se poveća broj ženskih trenera u zemljama članicama, Centar za edukaciju trenera NS/FS BiH izdaje sljedeću:

O B A V I J E S T

da će u 2018. godini, organizovati jedan kurs za sticanje UEFA B diplome i licence, samo za ŽENE u skladu sa Pravilnikom Centra za edukaciju trenera NS/FS BiH. Zainteresovane kandidatkinje, dužne su dostaviti sljedeću dokumentaciju:

- Upisni list za UEFA B (preuzeti sa web stranice www.nfsbih.ba). Isti obavezno čitko ispuniti štampanim slovima sa svim traženim tačnim podacima, koji su neophodni radi rangiranja i daljnjeg kontakta (klubovi gdje je igrala, trenirala, adresa, e-mail adresa, kontakt telefon...);
- Uvjerenje od kluba da je nastupajući kao igračica, odigrala najmanje 50 zvaničnih utakmica u seniorskoj konkurenciji bilo kojeg ranga takmičenja ili uvjerenje od kluba o najmanje trogodišnjem trenerskom iskustvu kao imaocu validne Nacionalne C licence;
- Uvjerenje, potvrdu, diplomu, svjedočanstvo ili neki drugi dokaz o završenoj srednjoj školi četvorogodišnje ili trogodišnje dužine trajanja;
- Uvjerenje o stalnom mjestu boravka u BiH (CIPS) ili nekoj drugoj zemlji;
- Ljekarsko uvjerenje, ne starije od 6 mjeseci (samo za kandidatkinje koje imaju zdravstvenih problema ili koje su ozbiljno povrijeđene, radi izuzeća od učešća na praktičnim treninzima);
- Uvjerenje, potvrdu, izjavu ili neki drugi dokaz da govore službene jezike u BiH (samo za kandidatkinje koje posjeduju uvjerenje o stalnom mjestu boravka neke druge zemlje);
- Dvije fotografije dimenzija kao za ličnu/osobnu kartu,
- Popuniti obrazac koji je UEFA poslala za svoje potrebe (preuzeti sa web stranice NS/FS BiH).

NAPOMENA: NS/FS BiH i UEFA će učestvovati u sufinansiranju dijela troškova za edukaciju trenerica za sticanje UEFA B diplome i licence u iznosima koji će biti poznati nakon formiranja grupe. Broj polaznica UEFA B kursa u grupi je ograničen. Grupe će biti formirane na osnovu nivoa igračkog i trenerskog iskustva kandidatkinja. Primljene kandidatkinje će putem e-maila dobiti sve informacije za dalje. Sve ostale informacije možete dobiti u Centru za edukaciju trenera od Maje Delahmetović na e-mail: maja.delahmetovic@nsbih.ba ili na fiksni telefon: +387 33 276 661, svakim radnim danom od 08:30 do 16:30 sati.

Molimo Vas da svu traženu dokumentaciju dostavite najkasnije do 15.10.2018. godine u zatvorenoj koverti isključivo putem preporučene pošte na adresu: CENTRA ZA EDUKACIJU TRENERA NS/FS BIH, Ul. Ferhadija 30, 71000 Sarajevo, Bosna i Hercegovina, sa naznakom „UPIS NA UEFA B KURS“



Ženski savjetnik
ELEKTROENERGIJA BOSNE I HERCEGOVINE
d.d. - Sarajevo

